



Save the Children



hope and homes
for children

World Vision
BOSNA I HERCEGOVINA



10.4.2019.

Poziv za učešće u kampanji

USPORI – DJECA TREBAJU SIGURAN PUT!

Organizacije članice Radne grupe za zaštitu djece - Hope and Homes for Children, Save the Children i World Vision BiH pozivaju sve škole, udruženja, centre i druge organizacije koje rade direktno s djecom da se uključe u kampanju „USPORI – DJECA TREBAJU SIGURAN PUT“ čiji je cilj podizanje svijesti o rizicima kojima su djeca izložena u saobraćaju.

Kampanja se provodi u drugoj sedmici maja, od 6. do 12.5., a radi se o petoj **Globalnoj sedmici promocije sigurnosti u saobraćaju UN-a**, o kojoj više možete saznati na ovom linku: <https://www.unroadsafetyweek.org/en/home>

Ovim povodom, pozivamo sve organizacije i institucije koje direktno rade s djecom da pozovu djecu da sama podijele **fotografije** ili **videa** rizika sa kojima se susreću na bh. cestama, npr. fotografija nepropisno parkiranog automobila u blizini škole, automobili koji se brzo voze ulicama u kojima djeca žive, automobili parkirani tako da blokiraju ulaze u zgrade, parkove... Pored slike, zamolili bismo vas da tražite od djece da dostave i svoje **zahtjeve/poruke** – npr. „tražim da se u blizini moje škole dodatno ograniči dozvoljena brzina vožnje“, „tražim da se školsko igralište (ili park) ne pretvara u parking...“

Prikupljeni materijali (fotografije, video snimci i poruke) ne trebaju biti u bilo kakvom zahtjevnom formatu, dovoljno je da se napravi snimak mobilnim telefonom ili slično, a poruke su potrebne u bilo kojem tekstualnom formatu (Word, email...).

Prikupljene materijale potrebno je dostaviti na email adresu sejla.dizdarevic@savethechildren.org do 26. aprila 2019. Materijal bi se prvo pregledao u cilju provjere da ne krši neke zakonske ili etičke norme, u smislu zaštite privatnosti (ne smiju biti vidljiva lica djece i odraslih ukoliko se nalaze na materijalu, ne smiju se vidjeti registarske oznake, itd.), a onda bi se napravila galerija koja bi se podijelila sa svim učesnicima u kampanji, uz prateće relevantne informacije, koje bi svi učesnici u sedmici od 6. maja dijelili putem svojih komunikacijskih kanala.

Cilj kampanje je prikupljenim materijalima podići svijest šire javnosti i donosioca odluka o rizicima sa kojima se djeca susreću u saobraćaju, te kroz prikupljene poruke prenijeti zahtjeve same djece donosiocima odluka o koracima koje trebaju poduzeti kako bi se smanjili rizici u saobraćaju u njihovim okruženjima.

Takođe, za sve zainteresirane škole i organizacije u prilici smo poslati po dva postera koji govore o ovoj temi. Poster će biti spremni za distribuciju u sedmici od 15.4., do kada svi zainteresirani trebaju dostaviti adresu na koju se poster trebaju poslati. Takođe, poster će biti dostupan i u elektronskom formatu.

Za više informacija kontaktirajte Aleksandru Babić-Golubović, savjetnicu za zagovaranje i Šejlu Dizdarević, službenicu za komunikacije iz organizacije Save the Children: aleksandra.babic.golubovic@savethechildren.org i sejla.dizdarevic@savethechildren.org

Srdačan pozdrav,

predstavnicima organizacija

Save the Children

Hope and homes for Children

World Vision